



胡子佩抄

五



内閣文庫	
番號	漢 9466
冊數	6 (5)
函號	299 98

共六本



淺草文庫

新刻胡子佩抄卷之五

明錢唐胡文煥德父纂輯



言四句

朱晦菴題壁四首

鵲噪未為吉鴉鳴豈是凶人間凶吉事不在鳥聲中

其二

耕牛無宿草倉鼠有餘糧萬事分已定浮生空自忙

其三

翠死因毛貴龜亡為殼靈不如無用物安樂過平生

胡子佩抄卷之五

其四

雀啄復四顧燕處無二心量大福亦大機深禍亦深
蔡虛齋題臥處

命好德不好王侯同腐草德好命不好顏淵任窮天

蔡虛齋氣質詩

進取功名易變化氣質難痛須加猛省莫負好衣冠

東坡量已詩

蝸涎不滿殼聊足以自濡竹高不知疲竟作粘壁枯

康節量已詩

安分身無辱知機心自閒雖居人世上却是出人間

康節人心詩

天聽寂無音蒼蒼何處尋非高亦非遠都只在人心

人心詩

古人形似獸心有大聖德今人表似人獸心安可測

寒山忍詩

有人來罵我分明了了知雖然不應對却是得便宜

寒山戒色詩

人言是牡丹佛說是花箭射人入骨髓死而不知怨

孔旻戒怒詩

怒氣劇炎火焚和徒自傷觸來勿與競事過心清涼

李郁題張果老倒騎驢

堪嘆世間人無如這老漢不是倒騎驢凡事回頭看

齋已題撲滿子詩

祇愛滿我腹爭知滿害身到頭須撲破却散與他人

處世詩

心安茅屋穩性定菜根香世事靜方見人情淡始長

世道詩

國正天心順官清民自安妻賢夫禍少子孝父心寬

人情詩

久住令人賤貧來親也踈但看三五日相見不如初

入心慎言詩

口是傷人斧舌是斬身刀閉口深藏舌安身處處牢

隨口心智詩

人生智未生智生人易老心智一切生不覺無常到

入心白倖門詩

倖門如鼠穴也須畱一個若還都塞了好處還穿破

方便詩

看經未為善作福未為願莫若富權時與人行方便

省事詩

恩愛生煩惱追隨大丈夫庭前生瑞草好事不如無

月子風抄卷五

難保詩

未歸三尺土難保一生身既歸三尺土難保百年墳

安分詩

家和貧也好不義富如何但存一子孝不用子孫多

白髮詩

人見白髮悲我見白髮喜多少少年人不見白髮死

明日歌

明日復明日明日何其多明日又明日萬事成蹉跎

報應詩

人心生一念天地悉皆知善惡若無報乾坤必有私

五言律詩

濟顛警世詩

看盡彌陀經念徹大悲咒種瓜還得瓜種豆還得豆
經呪大慈悲冤結如何救照見本來心做者還他受

警世詩

行短前程短心高命不高巧來還巧去天地幾曾饒
莫造傷人劍長磨剋己刀虧心事莫作災禍自然消

警世詩

為人存正道行善德之要國王當盡忠父母須竭孝
鄉隣處處和子孫頻頻教凡事心不欺自然天福報

忍詩

惡人罵善人善人摠不對善人若還對彼此無智慧
不對心清涼罵者口熱沸正如人唾天還從己身墜

忍詩

我若被人罵佯聾不分說譬如火燒空不救自然滅
嗔火亦如有物遭他熱我心等虛空憑你翻唇舌

忍詩

一切諸煩惱皆從不忍生臨機與對境妙在先見明
佛語在無諍儒書貴無爭好條快活路世上少人行

忍詩

忍是心之寶不忍身之殃舌柔常在口齒折只為剛
思量這忍字好個快活方片時不能忍煩惱日月長

寒山戒色詩

玉堂掛珠簾中有嬋娟子其貌勝神仙容華若桃李
東家春霧合西舍秋風起更過三十年還戒甘蔗滓

又

城中蛾眉女珠珮何珊珊鸚鵡花前舞琵琶月下彈
長歌三日響短袖萬人看未必長如此芙蓉不耐寒

擬寒山詩

嗔火焚和氣令人相貌惡修羅纔現前菩薩都走却

養就三毒狠恣為五慾樂智者善思惟早服慈悲藥

又真山詩

若以爭止爭其諍轉不已惟忍能止諍是法中尊貴
不見老瞿曇妙相三十二魔軍刀劍來只以無心對

又

合嗔不須嗔合喜不須喜喜時風自吹嗔時火自熾
風火非外來皆從自心起不見四禪天三災都不至

白玉蟾度世詩

慮少夢自少言稀過亦稀簾垂知日永柳靜覺風微
但見花開落不聞人是非何須尋洞府度世也應遲

馮瀛王安命詩

窮達皆由命何勞發嘆聲但知行好事莫要問前程
冬去冰須泮春來草自生請君觀此理天道甚分明

包拯布衣時述志詩

清心為治本直道是身謀秀幹終成棟精鋼不作鈎
倉充鼠雀喜草盡兔狐愁史冊有餘訓毋貽來者羞

戒驕峻詩

有福莫享盡福盡身貧窮有勢莫使盡勢盡寬相逢
福兮常自惜勢兮常自恭人生驕與峻有始多無終

趙德麟題驛壁詩

記得離家日尊親囑付言逢橋須下馬過渡莫爭先
雨宿空防夜雞鳴更相天若能依此語行路免迍邐
是非詩

愚濁生嗔怒皆因理不通休添心上焰只作耳邊風
長短家家有炎涼處處同是非無實相究竟總成空

苦求詩

一日百般事人生不自由怕貧休浪蕩愛富莫間遊
好學終成器勤耕必有收若期身貴顯須向苦中求
了了居士戒殺詩

體質須還異靈明本不殊雖然分貴賤只是別形軀

苦痛教他死肥甘助已需休教閻老斷自想說何如

黃魯直戒殺詩

我肉衆生肉名殊體不殊元同一種性只是別形軀
苦惱從他受肥甘為我須莫教閻老斷自揣看何如

戴石屏見烹犢延客詩

田家繭粟犢小小可憐生未

朝來占食指妙絕此杯羹口腹為人累終懷不忍情

鷓鴣遺蔡京詩

啄君一粒粟為君羹內肉所殺知幾多下筋嫌不足
不惜充君庖生死如轉轂勸君慎勿食禍福相倚伏

報應詩

奸漢瞞蠢漢蠢漢總不知奸漢變驢子返被蠢漢騎
當時誇好平過後失便空貪他些子利披却畜生皮

五言古詩

梁瞿塘以母老不仕手書二幅

欲為世丈夫須立丈夫志欲為一等人須做一等事
人間大丈夫挺然擔道義切莫學婦人一團脂粉氣

又

既同萬物生須超萬物表既居天地中須同天地老
人生配三才有德即為寶切莫如芳草朝華夕即了

聽讒詩

讒言謹莫聽聽之禍殃結君聽臣當誅父聽子當訣
夫妻聽之離兄弟聽之別朋友聽之疎骨肉聽之絕
堂堂八尺軀莫聽三寸舌

結冤詩

勸君莫結冤冤深難解結一日結成冤千日解不脫
若將恩報冤如湯去潑雪若將冤報冤如狼重見蝎
我見結冤人盡被冤磨折

張簡肅公戒奢逸詩

父兄勞於官子弟逸於家一逸已過分况乃事奢華

軒軒傲里閣僕僕過彤衙不知禍所伏方謂勢可誇
勢亦有時歇禍來或無涯不如慎德業庶幾永無譁

應璩攝生詩

昔有行道人陌上見三叟年各百餘歲相與鋤禾莠
往拜問三叟何以得此壽上叟前致詞室內姬麗醜
二叟前致詞量腹接所受下叟前致詞獲臥不覆首
要哉三叟言所以壽長久

韓文公符讀書城南

木之就規矩在梓匠輪輿人之能為人由腹有詩書
詩書勤乃有不勤腹空虛欲知學之力賢愚同一初

由其不能學所入遂異閭兩家各生子提孩巧相如
少長聚嬉戲不殊同隊魚年至十二三頭角稍相踈
二十漸乖張清溝映汗渠三十骨骼成乃一龍一猪
飛黃騰踏去不能顧蟾蜍一為馬前卒鞭背生蟲蛆
一為公與相潭潭府中居問之何因爾學與不學歟
金壁雖重寶費用難貯儲學問藏之身身在則有餘
君子與小人不繫父母且不見公與相起身自犁鋤
不見三公後寒饑出無驢文章豈不貴經訓乃蓄畜
潢潦無根源朝滿夕已除人不通古今馬牛而襟裾
行身陷不義况望多名譽時秋積雨霽新涼入郊墟

燈火稍可親簡編可卷舒豈不旦夕念為爾惜居諸
恩義有相奪作詩勸躊躇

范質戒從子杲詩

戒爾學立身莫若先孝弟怡怡奉親長不敢生驕易
戰戰復兢兢造次必於是戒爾學干祿莫若勤道藝
嘗聞諸格言學而優則仕不患人不知惟患學不至
戒爾遠恥辱恭則近乎禮自卑而尊人先彼而後已
相鼠與茅鴟宜鑒詩人刺戒爾勿放曠放曠非端士
周孔垂名教齊梁尚清議南朝稱八達千載穢青史
戒爾勿嗜酒狂藥非佳味能移謹厚性化為凶險類

古今傾敗者歷歷皆可記戒爾勿多言多言眾所忌
苟不慎樞機災危從此始是非毀譽間適足為身累
舉世重交游擬結金蘭契忿怨容易生風波當時起
所以君子心汪汪淡如水舉世好承奉昂昂增意氣
不知承奉者以爾為玩戲所以古人疾蓬蔕與戚施
舉世重游俠俗呼為義氣為人赴急難往往陷囚繫
所以馬援書慙懃戒諸子舉世賤清素奉身好華侈
肥馬衣輕裘揚揚過閭里雖得市童誇還為識者鄙
我本羈旅臣遭逢堯舜理位重才不充戚戚懷憂畏
深淵與薄冰蹈之唯恐墜爾曹當憫我勿使增罪戾

閉門斂踪跡縮首避名勢勢位難久居畢竟何足恃
物盛則必衰有隆還有替速成不堅牢急走多顛躓
灼灼園中花早發還先萎遲遲澗畔松鬱鬱含晚翠
賦命有疾徐青雲難力致寄語謝諸郎躁進徒為爾

七言絕句

警世二首

一派青山景色幽前人田地後人收後人收得休歡
喜還有收人在後頭

又

十分惺惺使五分且留一半與兒孫若把惺惺都使

盡恐怕兒孫不若人

吳真人警世詩

幸短虧心只是貧莫生巧計弄精神得便空處休歡
喜遠在兒孫近在身

何廷仁警世詩

聲色貨利是眼井個個骷髏來照影前面骷髏已墮
下後面骷髏猶不省

郭定襄警世詩三首

陰陽無處不流行道本無名亦強名彭祖老聃同一
死世人猶自說長生

又
狗尾誰知可續貂芳蘭不紉艾盈腰伊妻苦夢全身
熟只恐冰山見日消

又

口似砂糖膝似綿卑卑惟欲乞人憐恨他不得長生
術只在人間過百年

警世詩

莫為莫害莫虧心心不欺人禍不侵日月往來行好
事消災散禍福來臨

省心三首

酒色財氣四堵牆多少賢愚在內廂若有世人跳得
出就是神仙不死方

又

不孝慢燒千束帛虧心枉藝萬爐香神明本是正直
做豈受人間枉法贓

又

越奸越巧越貧窮奸巧原來天不容富貴若還奸巧
得世間呆漢吸西風

自省詩

閑中檢點平生事靜裡思量日所為常把一心行正

道自然天地不相虧

仙箕詩

幾樹甘棠種未成使君何事苦經營雷霆怒擊冰山
碎只恐錢神也不靈

呂純陽贈主人詩

東鄰已富憂不足西老雖貧樂有餘白酒釀來緣好
客黃金散盡為收書

呂純陽戒色詩

生我之門死我戶幾個惺惺幾個悟夜來鐵漢自思
量長生不死由人做

戒色題妓詩

皮包骨肉并屎糞強作妖嬈誑惑人千古英雄皆坐
此百年同作一坑塵

司空圖戒色詩

昨日流鶯今日蟬起來又是夕陽天六龍飛轡長相
窘更忍乘危自着鞭

邵康節戒忿詩

着身靜處觀人事放意閒中鍊物情去盡風波存止
水世間何事不能平

邵康節安分詩

量力做時無悔吝隨宜到處省營為若求騏驥方乘
馬只恐終身無馬騎

邵康節克已復禮詩

門前路徑無令窄路徑窄時無過客過客無時路徑
荒人間滿地生荆棘

呂芸閣克已詩

克已工夫未肯加吝驕封閉縮如蝸試於靜夜深思
省剖破藩籬即大家

許魯齋知止詩

南山已見霧昏昏便合潛身不出門直待半途風雨

至倉皇何處覓前村

列禦寇安命詩

痴聾瘖症家豪富智慧聰明却受貧年月日時皆載
定筭來由命不由人

安命詩

昨日今朝事不同光陰過隙若秋風何須奸計何須
惡命裡無時總是空

聽天詩

花開不擇貧家地月照山河到處明世間只是人心
惡凡事須還天養人

相心詩

人倫何處定枯榮先相心田後相形心發善端諸福
集時藏毒害禍須生

勉孝詩

孝順還生孝順子忤逆還生忤逆兒不信但看簷頭
水點點滴滴不差移

神人授郭康伯衛生詩

自身有病自心知身病還將心內醫心境靜時身亦
靜心生還是病生時

法昭禪師兄弟偈

同氣連枝各自榮些些言語莫傷情一回相見一回
老能得幾時為弟兄

僧來復見心偶興詩

黃金堆屋只嫌貪飽食何曾厭八珍欲把長繩繫白
日乾坤誰是百年人

誌公真常詩

面上無嗔供養具口裏無嗔吐妙香心裏無嗔是真
寶無垢無染是真常

題布袋和尚詩

大千世界結茫茫收拾都將一袋藏畢竟有收還有

散放寬此子又何妨

損益不同詩

多才無慮多財慮好誦無憂好訟憂貪吟無病貪淫
病學道無愁學盜愁

又

利不苟貪終禍少事能常忍得身安頻浴身安頻慾
病學道無憂學盜難

聰明詩

聰明本是陰隲助陰隲引入聰明路不行陰隲更聰
明聰明反被聰明誤

風水詩

風水人間不可無全憑陰隲兩相扶富貴若從風水
得再生郭璞也難圖

戒訟詩

得勸和時好便休莫教官府事臨頭雖然得理歸家
笑贏得猫兒失却牛

勸善詩

平生作善天加善若是愚頑受禍殃善惡到頭終有
報高飛遠走也難藏

又

行藏虛實自家知禍福因由更問誰善惡到頭終有報只爭來早與來遲

世道詩

父不憂心因子孝夫無煩惱是妻賢言多語失皆因酒義斷親疎只為錢

擊壤詩

富貴如將智力求仲尼年少合封侯世人不解青天意空使身心半夜愁

裴晉公用人如種樹詩

破作千家作一池不栽桃李種薔薇薔薇花落秋風

起荆棘滿庭君始知

白樂天對酒詩

蝸牛角上爭何事石火光中寄此身隨富隨貧且歡喜不開口笑是痴人

又

百年無多時壯健一春能幾日晴明相逢且莫推辭醉聽唱陽關第四聲

又

昨日低眉問疾來今朝收淚吊人回眼前見例君看取且遣琵琶送一盃

東坡貧富詩

富不親兮貧不疎此是人間大丈夫富則進兮貧則退此是人間真小輩

東坡戒殺詩

秋來霜露滿東園蘆菔生兒芥有孫我與何曾同一飯不知何苦食雞豚

蔣復軒鑷白髮詩

勸君休鑷鬢毛斑鬢到斑時已自難多少朱門年少子業風吹上北邙山

酈玄崖有感詩

萬事由來祇是空且居我樂盡盃中試觀前代賢豪墓碑斷荒原亂草封

自嘆詩

粥去飯來何日了日生月落幾時休都來與我無干涉空起許多閑念頭

王龜齡不欺詩

室暗室明兩奚疑方寸常存不可欺莫問天高鬼神惡要須先畏自家知

王龜齡勉令尹詩

九重天子愛民深令尹宜懷惻隱心今日黃堂一盃

酒使君端為庶民斟

楊玠讓地詩

四鄰侵我我從伊畢竟須思未有時試上含光殿基
望秋風秋草正離離

道人題常熟富翁

多買庄田咲爾痴解頭糧長後邊隨看他耕種幾年
去交付兒孫賣與誰

杜庠勉學詩

平地登天莫道難燈窓黃卷要勤看眼前朱紫轟轟
者未必生成便是官

吳康齋勉學詩

為學如登萬仞山層崖須用小心攀前頭儘有無窮
趣只在工夫不斷間

勸學詩

怪石驚疑似虎眠挽弓挾矢竟當前豈應頑石能當
夫自是心堅石也穿

報應詩

湛湛青天不可欺未曾舉意早先知勸君莫作虧心
事古往今來放過誰

報應詩

禍因惡積少謙和不去頑心折騙多嫩草怕霜霜怕日惡人還有惡人磨

報應詩

你害別人由自可別人害你却如何嫩草怕霜霜怕日惡人自有惡人磨

報應詩

昨朝強要他家物今日凶災面多黑
親人說病請醫來卜課求神免不得

七言律詩

警世詩八首

兔走烏飛疾若馳百年世事總依稀
累朝社稷三更夢歷代江山一局棋
禹治九州湯受業秦吞六國漢登基
人人使盡心中計只恐蒼天不順機

又

為人切莫使英雄自古高低一樣同
猛虎尚然防惡獸蛟龍猶且怕蜈蚣
前程有限知成敗富貴焉能保始終
曾見大船沉海底只因使盡一蓬風

又

朝日爬弓暮夜爬多少精神盡用差
白髮幾曾饒富貴黃泉豈肯讓榮華
錢財害眾殃兒女酒色迷人哄

自家人心少要痴心算世事翻騰轉似車

善事當為惡事休人生本分不耽憂豪強倚勢圖財
寶害眾成家置馬牛雖是眼前身意樂他年結下子
孫仇穹蒼不肯分明報暗裏消磨在後頭

又

自古為人要見機見機終久得便宜人非知己金休
託事若虧心切莫為得勝勝中饒一着用乖乖裡放
些痴聰明休把聰明使來日陰晴未定期

又

禍福無門人自招舉心動念感天曹一毫善事功存
籍半句非言罪莫逃因甚兵荒水火病都緣奸惡勢
強刀勸君莫道無誅報天殺何曾要用刀

又

龜為殼靈鷲為毛獐為躋香兔為毫人貪財色多傷
命鳥因聲巧被籠牢駿馬能行勞費力人能巧語禍
先招仔細思量塵世事推聾莊啞最為高

又

巧厭多勞拙厭閑善嫌懦弱惡嫌頑富遭嫉妒貧遭
賤勤曰貪婪儉曰慳觸目不分皆咲蠢見機而作又

言奸思量那件當教做為人難做做人難

大慧果禪師警世詩四首

未得工夫理事偏談空道有總徒然有年擅信徵財
債他日閻君筭飯錢意似狂猿空說道心知野馬枉
談玄可憐無智痴愚者乾淨身心惹禍愆

又

堪嘆浮生謫佞乖無明人我滿襟懷誇已何為高尚
士滅人豈是大賢才欺賢決定神加禍詢聖終須見
降災肯將人我都除盡即是彌陀出世來

又

丈夫牢把定南針切莫容他雜念侵目內休觀奇豔
色耳中莫聽美人音性天要使狂雲去心地休教妄
垢臨驀地通身鎔化了天然銷出鑛中金

又

慕道休容萬事干愛情切莫掛心安涼時決要通身
熱熱處須教徹骨寒緊繫心猿休縱放牢拴意馬莫
容寬偶然拶破疑團子獨露如來大涅槃

呂純陽警世詩四首

神仙一着巧安排豈許常人妄意猜洪福三朝天子
分聰明七輩狀元才知真還得棲真輩達道應須識

道材因甚此心關大道只因曾向道中來

又

杳杳冥冥莫問涯雕蟲篆刻道之華守中絕學方知

奧抱一無言始見佳自有物如黃菊蕊更無色似碧

桃花休將心地虛勞用煮鐵燒金轉轉差

又

世情不悟只囂頑空手歸來下寶山綠鬢逡巡翻雪

鬢朱顏咫尺換蒼顏寸心枉作千年計四假何曾一

日閒標柱題橋多少志也應同入死生關

又

進後休貪非理物退時好認本來真行慈但積無邊

福寡慾休傷有限身綠鬢惟能泣白髮紅塵難再遇

青春看還悟徹茲狂語作個逍遙物外人

鄧青陽警世詩四首

五行造化結成形混沌鑿開有七情眼見是誰分皂

白耳聽那個辯音聲當勤忠孝合天理莫恣驕奢昧

已靈身處紅塵心向道蓮花如在火中生

又

好個惟心淨土邦人多忘却不思量恩山擔子年卒

重葉海船兒日日忙一念有情生死本萬緣俱息是

非忘叅明父母生前理鳥自春風花自香

不求大道出塵因總負聰明老了休百歲光陰風裏

燭一生事業水中漚易將玉液紅人面難把黃金換

白頭試問有錢過北斗曾誰買得命長留

又

不論青春與老年人人有分做神仙必先究竟明心

地然後推窮徹性天半夜金烏飛萬里一聲雷火發

三田這些妙理君還會跳出羲皇未畫前

警世一韻四首

高才宏量氣凌雲世上浮名夢裡身蘇氏謾稱降六

國韓公休說捲三秦當朝雖有千年事古廟惟存一

聚塵畢竟思量渾是錯何如林下養天真

又

古云富貴若浮雲何況區區一幻身漚滅漚生吳服

越花開花却漢歸秦性珠圖瑩空無類心鏡分明忌

上塵林下也須全此意本來吾道體常真

又

靜若清虛動若雲中和奧妙覆全身摩騰弘道遭明

帝羅什翻經適至秦曲徑楊花飄滿地透波荷葉不

沾塵從來幾詩皆方便坐臥經行總是真
男兒志氣入青雲靈智靈機總是身寸視南閩并北
薊尺觀東越與西秦江河只是半層水秦華無過一
撮塵莫謂矜誇成浪說到頭不出此情真

警世詩四首

花落花開花又落錦衣布衣更換着豪家未必長富
貴貧家未必常寂寞扶人未必上青宵推人未必填
溝壑勸君凡事莫怨天天意於人無厚薄

又

堪嘆人心毒似蛇誰知天眼轉如車去年望取東林
物今日還居北舍家無義錢財湯潑雪倘來田地水
推沙若將狡譎為奸計恰似朝開暮落花

又

得失榮枯總是天機關用盡也徒然人心不足蛇吞
象世事到頭螳捕蟬無藥可醫卿相病有錢難買子
孫賢家常守分隨緣過便是逍遙自在仙

又

寬性寬懷過幾年人生死在眼前隨高隨下隨緣
過或長或短莫理寬自有自無休嘆息家貧家富總

由天平生衣祿隨緣度一日清閑一日仙

謝良齋警世詩一首

莫入州衙與縣衙勸君勤謹作生涯池塘積水須防旱田地勤耕足養家教子教孫須教藝栽桑栽柘少栽花間是間非休要管渴飲清泉悶飲茶

邵康節警世詩四首

物如善得終為美事到巧圖安有公不作風波於世上自無冰炭到胸中災殃秋葉霜前隆富貴春花雨後紅造化分明人莫會榮枯消得幾何功

又

物理人情自可明何嘗戚戚向平生卷舒在我有成算用舍隨時無定名滿目雲山俱是樂一毫榮辱不須驚侯門見說深如海三十年來掉臂行

又

仁者難逢思有常平居慎勿說無妨爭先徑路機關惡近後語言滋味長爽口物多終作疾快心事過必為殃與其病後能求藥不若病前能自防

又

下有黃泉上有天人人許住百來年還知虛過死萬遍却似不曾生一般要識明珠須巨海如求良玉必

名山先能了得世間事然後方言出世間
 邵康節感事吟
 為善大空量力分知幾都在近人情
 人情盡後疑難入力量分時事自平理
 順面前皆道路義乖門外是榛荆
 何人肯認此言語此語分明人不聽
 邵康節名利吟
 名利到頭非樂事風波終久少安流
 稍隣美譽無多取纔近清歡與賸求
 美譽既多須有患清歡雖賸且無憂
 滔滔天下曾知否覆轍相尋卒未休
 黃尚書警世詩

龜因靈殼翠因毛鶴為頂紅兔為毫
 花有色嬌遭蝶戀鳥多聲巧被籠牢
 人能出眾先招禍馬健長途儘受勞
 會事不如推不會平生安樂最為高
 王明警世詩

要無煩惱要無愁本分隨緣莫強求
 無益語言休着口不千已事少當頭
 人間富貴花間露紙上功名水上漚
 看到人情天理處人生何用苦營謀
 又
 寒暑催人歲月流莫將名利苦馳求
 終須白骨埋黃土難把黃金買黑頭
 死後空懷千古恨生前誰肯一

時休聖賢都是凡夫做何不依他樣子修
解縉嘆世詩

西風足馬過長安舊墓新墳不忍看十里地理千萬
塚一家人哭兩三般犬銜白骨筋還在鴉啄新屍血
未乾寄語朝中諸宰輔鐵人見了也心寒

處世詩

風波境界立身難處世規模要放寬萬事盡從忙裏
錯此心須向靜中閒路當平處更行穩人有常情耐
久看直到始終無悔吝纔生枝節便多端

吳布政戒世詩

銀燈剔盡慢咨嗟富貴功名有幾家紅日難消頭上
雪黃金都是眼前花時來言語風行草運去田園浪
滾沙傳與世人當自省慙慙尋個好生涯

又

光陰迅速急如梭莫把青春錯放過架上詩書勤誦
讀壠頭田地莫蹉跎夙興夜寐須繩祖東蕩西遊莫
學他多少世人慵懶者老來無柰一身何

梓潼帝君訓世詩

妙藥難醫冤債病橫財不富命窮人虧心折盡平生
福幸短天教一世貧生事事生君莫怨害人人害汝

休嘆天地自然皆有報遠在兒孫近在身

仙箕戒色詩四首

色不迷人自迷貪他端的受他虧精神耗散容顏
改骨髓焦枯氣力微犯着姦情家易破染成色症藥
難醫叮嚀勸戒無它語留得殘生過幾時

又

豔婦身如熱鐵床青紗帳內殺人場
雙眉似月鋒如箭十指如銀利若鎗
口內甜言傷命藥眼中流淚潑
人湯世人豈識姪如劍多少惺惺劍下亡

又

人迷色相不知省恩愛無膠只自黏
皮裹骷髏穿綉珮粉粧活鬼戲珠簾
聚頭千日歡無厭合眼三朝臭
便嫌寄語少年君子道莫將苦處認為甜

又

醉飽重重寵翠蛾精靈日日暗消磨
紅錦帳中輸劍戟黃金釵下動干戈
當時只恨恩情淺今日翻成怨恨多
玉山一倒無人救總有靈丹柰爾何

張紫陽警迷詩

人生雖有百年期壽夭窮通莫預知
昨日街前方走馬今朝棺內已眠尸
妻財遺下非君有罪業將行難

自欺大藥不求爭得遇迅之不鍊更痴迷
 入土取真歇了禪師警悟詩
 求師離病最為難莫學諸家五味禪
 示拈搥豎拂謾流傳門徒萬別終非寔
 公案千差總是權今日大開精徹眼
 一時吐盡野狐涎
 但自無心於萬物何妨萬物常圍遶
 鐵牛不怕獅子吼恰似木人見花鳥
 木人本體自無情花鳥逢人亦不驚
 心境如如只這事何慮菩提道不成
 知二附具
 張拙公心境詩
 入步

光明寂照遍河沙凡聖含靈共我家
 一念不生全體現六根纔動被雲遮
 去除煩惱重增病趣向真如亦是邪
 隨順眾緣無罣礙涅槃生死等空花

徐珙論交詩

交游誰似古人情春夢秋雲未可憑
 溝壑不援徒汎愛寒暄有問但虛名
 陳雷義重踰膠漆管鮑貧交托死生
 此道今人棄如土歲寒惟有柏松盟
 店中壁上題
 人生相識不如初
 多少英雄薄倖徒錦上添花天下有
 雪中送炭世間無
 時來易得金千兩運去難賒酒

一壺碌碌眼前親共友誰人肯學范堯夫
入世山中峰和尚

積財養子望心寬子大財多轉不安家計長時人事

濶世情濃處道心慳日添富貴增煩惱夜臥思量幾

百般到底盡從忙裏去做成家計別人看

劉太守嘆骷髏

姓甚名誰住那鄉為因何事喪長江早隨浪起遭鴉

啄夜落沙灘被犬傷父母堂前悲切切妻兒枕上淚

汪汪勸君只好隨緣過休要貪心晝夜忙

隣人讓地詩

占我房基砌你牆此情於理不相當未分田地能多

許方寸兒孫要久長不是我駭因我讓莫言誰弱又

誰強普天都是皇王地再與多些也不妨

馮瀛王持危詩

莫為危持便愴神前程往往有期因須知海岳歸明

主未省乾坤陷吉人道德幾時曾去世舟車何處不

通津但教方寸無諸惡狼虎叢中也立身

真西山為官詩

從來官吏與斯民本是同胞一體親既以脂膏供爾

祿須知痛痒切吾身此邦素號唐朝古我輩當如漢

吏循今日湘亭一盃酒便教散作十分春
 典却春衫辨早厨老妻何者意躊躇瓶中有醋堪燒
 菜囊裡無錢莫買魚不敢妄為些箇事只因曾讀幾
 行書嚴霜烈日都經過次第春風到草廬車馬不
 同氣連枝骨肉親胡為一旦便生嗔只因花底鶯聲
 巧致使天邊鴻鴈分好去和同敦大義莫教非法壞
 彛倫願如昔日田家子依舊荆花再發春
 吳草廬囑子詩九首

一囑吾兒遠下流為人務要把身修廣施陰隲行方
 便莫起無名惡念頭動止行藏存禮義往來出入避
 冤讐全家保守田園樂勝似朱門萬戶侯

二囑吾兒聽我言為人切莫效多端三思到底諸般
 穩一着纔差百不安篤守固窮無怨惡濫思貪味結
 讐冤損人利已終無益本分營生耐歲寒

三囑吾兒戒性剛為人忠孝要溫良阿諛處世名聲
 臭清白傳家姓字香一面勢威休使盡十分見淺莫

持強英雄多少埋黃土空為時人話短長

又

四囑吾兒莫逞奸為人第一戒兇頑呼風發火興災

易鬪狠傷人抵命難立業成于千百計亡家只在霎

時間好將囑戒從頭讀口念心思莫放閒

又

五囑吾兒想自身為人以禮奉雙親天生萬物人為

貴地判三才孝至尊緹女沒身留父命寸蘭刻木報

娘恩生前無意供甘旨死後何須祭掃墳

又

六囑吾兒淚滿腮為人至此痛傷懷遮羞幽匣生前

造遺朽形骸死後埋少費貲財從佛道多添泥土築

墳臺廣培松柏遮風水禁斷牛羊上塚來

又

七囑吾兒學老成為人心地要和平親朋有患相扶

助隣里無知莫看清和氣一團真箇美是非兩下不

相聽古人留下千金語遺遠堅牢禍不生

又

八囑吾兒出外時為人切莫討便宜跨橋下馬防踈

失過渡乘船省是非鳥未投林先借宿雞鳴上路且

又

月

耽遲修身體省斯言語行遍天涯無禍危

又

九囑吾兒莫蕩遊為人務本苦營求錢財善取應無

怨產業好謀豈有囚處世必當行孝敬擇交須要意

相投以誠囑戒無他事留與兒孫作話頭

戒子詩九首

一戒吾兒好立身為人奮速趁青春要知今古隆師

友迴避嫌疑遠小人有學胸中添志氣無才臉上失

精神休將僥倖為生計莫近呆愚辱戶門

又

二戒吾兒莫好頑從頭聽我說多端百年要作千年

計一日休敬半日間有力入山擒虎易無錢開口告

人難家常用度休過分莫待無時悔不慳

三戒吾兒着耳聽我今與汝說真情有能切忌休閒

管無事施功莫強行賓客往來須盡禮田園種作及

時耕交朋接友言忠信莫與時人作話名

四戒吾兒莫好奢隨身貧富度年華甕頭拍塞堪勞

力囊裡無錢莫去賒貪飲從來無抵業蕩遊必定不

月

佩抄卷五

三十三

耽遲修身體省斯言語行遍天涯無禍危

又

九囑吾兒莫蕩遊為人務本苦營求錢財善取應無

怨產業好謀豈有囚處世必當行孝敬擇交須要意

相投以誠囑戒無他事留與兒孫作話頭

成家世間甲子多如許却似朝開暮落花

四戒吾兒又莫恨受艱辛無田無地休嗟

五戒吾兒兩弟兄所為莫恨受艱辛無田無地休嗟

怨有志有能莫恨貧八字排來皆是命五行註定不

由人眼前多少爭分者破產亡家累兩隣

六戒吾兒膽氣寒治家宜緊不宜寬壺中少酒休留

客囊裏無錢莫結官隣里高低須遜讓親情貧富要

盤桓弟兄分上行恭敬莫作尋常陌路看

又

又

七戒吾兒守分過人生凡事莫嘍囉酒逢知己千鍾

少話不投機半句多有分不求還自至無緣空自費

奔波是非只為多開口惹禍臨歧沒奈何

八戒吾兒話已殘起家容易守家難終朝火燭叮嚀

看向晚門窗點檢關屋宇漏穿隨苫蓋牆籬坍塌就

遮欄晚來分付兒童道收拾牛羊及早還

九戒吾兒話已闌傳家休廢我田園戶差合禮休推

托租稅依期早納官父母劬勞山岳重夫妻恩愛海

月

月

濤寬筆端鞋盡平生事千句那來一旬宣
 戒汝休貪酒與花纔貪花酒便亡家多因酒進花心
 動只為花迷酒性邪酒後看花情不厭花前酌酒興
 無涯酒闌花謝黃金盡花不留人酒不賒
 男兒立志在青年萬卷詩書貴勉旃少飲莫貪儀狄
 酒勇為須着祖生鞭成才務在親師友保行休教辱
 祖先但看古今賢達者聲名留在古今傳
 黃宗載戒子詩

六戒吾兒莫腐儒非儒安得上亨衢堅心銳志尋高
 策努力抽身出下愚金玉運迤難保守詩書身在有
 盈餘買臣宵戚如何連扣角擔薪尚讀書
 四兒六龐德公戒子詩
 凡人百藝好隨身賭博門中莫去親能使英雄為下
 賤解教富貴作飢貧衣衫藍縷交朋笑田地消磨骨
 肉嗔不信但看鄉黨內眼前衰敗幾多人
 吳布政示子姪詩
 性急匆匆惹禍端但凡為子要心寬他將言語生嗔
 怒我把情懷作喜歡正好是非聾兩耳任人言語說

千般賢人因甚無煩惱忍字常常着眼看
 詩寄吾兒須奉公爾心要與我心同紅爐烈焰休添
 炭白地霜寒莫畏風船到江心牢把舵箭加弦上謹
 持弓為人須用行方便竹木之中有蛀蟲
 張汝弼示內教子詩
 四兒六歲五兒三莫與肥甘習口饒清白家風無我
 愧詩書世澤要人擔三食白飯何須酒一筋黃齏略
 用鹽聞說古人曾餓死筭來原不為官廉
 吳夢舍勸學詩
 六

殷勤習讀莫蹉跎成器皆因肯琢磨凡遇詩書須力
 勉每逢花酒莫相過聞人得失先量已見彼非為莫
 學他多少時人慵懶者老來無柰一身何

羅倫勉學詩

水盡山窮孔孟鄉到頭休嘆路途長退來半步便為
 弱做出一場方是強天下至深惟學海世間無底是
 書囊綱常擔子男兒事硬着肩頭自主張

又

人生身少莫愴慌好把文章耀日光不怕青雲千萬
 丈只消黃卷兩三行棘闈門戶無關鎖茅屋人家有

棟梁若向廣寒宮裡過滿身渾是桂花香
 入主良湯編修勉學詩
 孔聖門墻數仞高幾人得進不辭勞春風浩蕩寬如
 海化雨淋漓潤若膏路歷關闕牢着脚舟行滯水穩
 撐篙直須步入超羣地髻插金花着紫袍
 胡敬齋勉學詩
 年少光陰過隙駒青雲事業竟何如要扳天上三秋
 桂須讀人間萬卷書雨露不滋無本草風雷偏化有
 鱗魚相如不奮題橋志安得高乘駟馬車

黃昏燈火五更雞正是男兒篤志時黑髮不能勤學
 早白頭方悔讀書遲狀元本是人間子宰相原非天
 上兒好把六經工龜勉朱衣自有點頭時

汪春江秋日從師詩

金風玉露太平年正好男兒學聖賢天上桂香香蓋
 世世間人理理同天文章體格還從漸燈火工夫自
 着肩有日青雲騰奮起世人空笑我先前

譚氏送夫勉學詩

自古男兒志四方出門何必淚雙行聖朝天子文章
 貴夙世夫妻歲月長衾暖不如桃浪暖衣香難比桂

胡氏傳抄卷五

花香願君早起顰頭選衣錦榮歸拜彩堂香蟻大封
四季勸學詩

春

山光照檻水繞廊舞雩歸咏春風香好鳥枝頭亦朋
友落花水面皆文章嗟訖莫遣韶華老人生惟有讀
書好讀書之樂樂何如綠滿窓前草不除

夏

新竹壓簷桑四圍小齋幽敞明朱曦晝長吟罷蟬鳴
樹夜深燼落螢入幃北窓高臥羲皇侶只今素稔讀
書趣讀書之樂樂無窮援琴一曲來薰風

秋

窓前昨夜葉有聲籬豈花開蟋蟀鳴不覺商意滿林
薄蕭然萬籟含虛清近牀惟有短檠在只此讀書工
更倍讀書之樂樂陶陶起弄明月霜天高

冬

木落水盡千崖枯迥然吾亦見真吾坐對韋編燈動
壁高歌夜半雪壓廬地爐茶鼎烹活火一清足稱讀
書者讀書之樂何處尋數點梅花天地心

月仁風少卷五

三十一

